



## DIOCESE OF BETHLEHEM

Sedika sa Bethlehem  
Isifundabhibhobhi saseBethlehem  
Bisdom Bethlehem

Tel: (058) 303 5351  
Fax: (058) 303 5352  
e-mail: diocese@bhm.dorea.co.za

218 Cambridge Street, Bethlehem, South Africa  
P.O. Box 366, 9700, Bethlehem, South Africa

**Lengolo la bodisa: Letsatsi la lefatshe la bakudi**

**"Le na le modisa ale mong, mme bohole le bana ba motho" (Matheu 23:8).**

**Kamahano e tshetlehile hodima tshepo ho tataisa tlhokomelo ya bakudi.**

Bana beso ba ratehang ba ho Krieste,

Selemo le selemo ka moqebelo o hlahlamang Kgopotso ya Maria Movirigo ya lehlohonolo wa Loudes. Re ne re atisa ho phutheha hammoho Sefikeng sa rona sa Maria Tsheseng ho rapella bakudi mmoho le baoki. Batho ba mmalwa ba kulang ba ne ba tlotswa ka Sakramente ya bakudi. Selemong sena seo se ne se tshwanetse ho etsahala mohla la di 13 tsa Hlakola. Ka bomadimabe sewa sa khorona se entse hore sena se seke sa etsahala empa hona ha ho boole hore re lebale ka bakudi le baoki ba bona. Tjhe! Re loketse ho ba rapella le ho feta, haholo nakong ena e thata ya khorona, re batla hore dithapello tsa Maria di fedise ho phatlalla ha mmolai enwa ya kgutsitseng.

Mopapa Francis, Jwalo ka kamehla, o na le molaetsa o ikgethileng bakeng la rona. Lebakeng la mokotaba wa letsatsi, o nkile le temana ya Evangedi moo Morena Jeso a sehollang boikaketsi ba ho hloleha ho phetha seo ba se bolelang (ako nyarele Matheu 23:1-12). Re ka se ikgakanyetse batho ba bangata ha kana ba kulang mme ba tshwengwang ke ditlamorao tsa sewa se phatlalletseng le lefatshe sa kokwanahloko ya khorona mme le ho bahlokemedi baka sehlohong phanong ya ditshebeletso tsa bophelo, baithaopi, batsheheti ba basebeletsi ba tsa bophelo, baprista, banna le basadi ba baitlami ba imetsweng haholo ke palo e phahameng ya bakudi ba tshwaeditsweng ke kokwanahloko ya khorona. Mantswe a monate ha thuse letho. Jeso ka sebele sa hae, jwalo ka MosaMaria ya molemo, o re bontsha mohlala: O re kopa ho ema le ho mamela, ho theha kamano e otlolohileng le ba bang, hoba le kutlwelobohloko le qenehelo, le ho dumella mohoo wa bona wa matshweneho, le pherekano mme ka dinako tse ding le kgathatseho hoba tsa rona ha re ntse re batlana le ho ba sebeletsa (Luka 10:30-37).

Kokwanahloko ya khorona e entse hore re itemohe kamoo re leng tllokotsing ka teng; esita le mekgwa e tswetseng pele ka ho fetisa ha e ya ka ya kgona ho thibela khorona. E entse hore re lemohe kamoo re hlokanang ka teng ho thibela ho ata ho fetang hona. E boetse e etsa le hore re ikutlwe le ho feta ka ho tlala, hore re dibopuwa tse tshepetseng ho Modimo. Letsatsi le leng le le leng re fumana dipalopalo tsa ba tshwaeditsweng mmoho le ba hlokahetseng ka

lebaka la kokwanahloko ya khorona. Empa ka mora dipalo tseo ho teng difahleho tsa batho. Sewa sa ha jwale se bontshitse ka mokgwa o hlakileng ho se lekalekane ha tlhokomelo ya bophelo tsamaisong ya rona ya phano ya ditshebeletso tsa bophelo le ho bea poaneng dikgaello tlhokomelang ya bakudi (eseng fela Afrika empa esitana le dinaheng tsa Bophirima tsa Yuropa le tsa Amerika). Ho beeletsa mehlodi tlhokomelang le thusong ya bakudi ho tlamehile hoba hwa mantlha ho hokahaneng le leano la motheo la hore bophelo bo botle ke molemo wa bohle. Le ha hole jwalo, sewa se boetse se bontshintshe boinehelo le ho fana hwa baka sehlohong ba ditshebeletso tsa bophelo, baithaupi, basebeletsi ba ikarabellang, baprista, banna le basadi ba baitlami, bohle ba ileng ba thusa, ba oka, ba tshedisa le ho sebeletsa bakudi ba bangata hakana le malapa a bona ka botsebi, boiphano, boikarabelo le lerato la bona. Ha se fela taba ya ho fana ka pheko empa ya bohaufi bo fanang ka tshehetso le ho tshedisa bakudi matshwenyehong a bona.

Ana re nahana hore reka keteka jwang Sedikeng sa Bethlehema letsatsi lena la lefatshe la bakudi le baoki? Baprista ba itseng, maseminare le ditho tsa komiti ya sefika hammoho le mobishopo, lebitsong la sedika sohle, baka kgobokana Sefikeng sa Maria ka Moqebelo wa la Leshome le Metso e Meraro (13<sup>th</sup>) Hlakola, ba rapela rosary le ho keteka mmisa ba kopa dithapelo tsa Maria, Mofumahadi wa Bethlehema. Le ha re ke ke ra phutheha ka bongata sefikeng sa Maria, re ka nna ra rapella lapeng. Ho itshetlehile hodima tswelopele ya sewa le mokgahlelo wa ho kwalwa ha metsamao le ditshebeletso tse itseng re ka kopana di parishing tsa rona le diphuthehong tsa lehae ka sontaha sa la leshome le metso e mene (14<sup>th</sup>) Hlakola, mme re ketek mmisa kapa tshebeletso ya ha moprista ale siyo. Ka boikemisetso bona, re sebedisa dipalo tsa Sontaha sa botshelela (6<sup>th</sup>) Nakong e hara Selemo (Selemong sa B) seo ka tsela e makatsang sehokahaneng hantle haholo le mokotaba wa letsatsi la lefatshe la bakudi. Bekeng e hlahlamang Sontaha sena Baprista baka fana ka Sacramente ya Tlotso ya Bakudi malapeng a bakudi. Ebang hoka etsahala hore ho kginwa ha metsamao le ditshebeletso tse ding hosa dumelle hore re phuthehele dikerekeng mekgwa emeng eka sebediswa ho phatlalatsa Mmisa ka tshebediso ya marangrang kapa ho kgothaletsa malapa ho phutheha malapeng ka pela seemahale sa Maria mme ba abelane hodima dipalo tsa Sontaha. Tsena ke dithlaiso tse seng kae fela.

Hare beyeng bakudi, bahlokemedi ba tsa bophelo bo botle mmoho le bohle ba thusang ka dipelo tse lokulohileng bana babo rona ba tshwenyehileng haholo ho Maria, MmaMohau le Thuso ya bakudi. Ake a matlafatse tumelo le tshepo ya rona, mme are thusene hore re thusane ka lerato la bona.

+Jan De Groot  
Bishop of Bethlehem Diocese